

國家圖書館藏

稀見明史史籍輯存

線裝書局

皇明啓運錄卷之三

粵濱逸史清瀾釣璣
東麓東建軒著

此卷紀我

太祖初為吳王西定荆湖東平淮浙北取齊魯時事自甲

辰至丁未凡四年

甲辰

元至正二十四年
宋龍鳳十年

正月李善長徐達等以

上功德日隆屢表勸進不允乃率諸臣奉

上即吳王位建百司官屬以李善長為左相國徐達為右

相國常遇春俞通海為平章政事汪廣洋為右司郎中張

王即吳
位

建國
先正
紀綱

傳友
德郭
英之
勇

相為左司都事諭善長等曰卿等為生民計推戴予然建
國之初當先正紀綱元氏昏亂紀綱不立主荒臣專威福
下移由是法度不行人心渙散遂致天下騷亂今將相大
臣當鑒其失宜協心為治以成功業毋苟且因循取充位
而已也。二月 上以武昌圍久不下乃親往視師督諸
將攻之城東有山名高冠下瞰城中 上問諸將誰能奪
此傳友德請先登一鼓奪之方其奪之也面中一矢鏃出
腦後脇下復中一矢友德不為沮人服其勇偽漢陳同僉
者驍捷善槊馳入中軍帳下 上方坐胡床疾呼侍衛將
郭英殺賊英持鎗躍馬奮臂一呼賊應手殞墜偽將岳州

陳理
出降

毀陳
氏鏤金床

潑張率渾奇兵來援至夜婆山我師擊敗之擒潑張悉俘其衆復擊擒其偽丞相張必先上遣其降將羅復仁入城諭陳理使降理遂率其太尉張定邊詣軍門請降城中民多饑困命給粟賑之。立湖廣行中書省以楊璟為叅知政事。江西行省以陳友諒鏤金床進上觀之謂侍臣曰此與孟昶七寶溺器何異以一床工巧若此其餘可知陳氏父子窮奢極侈安得不亡即命毀之。三月封陳理為歸德侯。定官制改各翼元帥府及樞密分院俱為各衛指揮使司。以劉基為太史令時偽漢平上與基密謀取張士誠及平定南北次第上時至基所屏人語

廬州

建忠臣祠

移時乃去。雖至親密莫知之。新淦土豪鄧仲廉叛聚眾二萬人。據永豐。鄧愈調兵破之。擒賊首胡理。問劉右丞等五十餘人。俞通海汪興祖率兵掠劉家港。進逼通州。擊敗張士誠兵。擒其院判朱瓊。元帥陳勝等百餘人。遣徐達常遇春攻廬州。部將吳復先登挫敵。擒其驍將樓兒張左君弼。窮蹙棄城走安豐。遂克其城。四月建忠臣祠于鄱陽湖之康郎山。上謂中書省臣曰。崇德報功國之大典。自古兵爭忠臣烈士以身殉國。英風義氣雖死猶生子。與陳友諒戰于鄱陽湖。將臣韓成等效忠死敵。昭然可數。朕念之不忘其議。所以崇報。於是中書省并以死事之臣

討熊
天瑞

丁普郎等三十六人列進封贈勲爵有差以韓成為首勦
追封高陽郡侯建祠于康郎山設像其中成位第一命有
司歲時祭之錄成子觀為散騎舍人。復命建忠臣祠于
南昌以祀平章趙德勝知府葉琛千戶張子明等死事之
臣凡十有四人。時偽漢將熊天瑞尚竊據贛州未下
上以手書諭鄧愈曰熊天瑞龍鳳八年已請降受賞賜令
背違初言輕擾地方理宜討罪安靖人民以愈總兵往討
既而復命常遇春總兵陸仲亨為副討之八月愈與遇春
等合兵平臨江之沙坑麻嶺十洞牛陂山寨遂進攻贛州
圍之。九月命徐達及楊璟等帥師進取江陵次于沙市

取荆
州長
沙

追封
死事
諸將

偽知院姜珏等以城降改江陵為荊州府達遣唐勝宗分
兵取長沙下沅陵醴陵傳友德取夷陵。九月上痛念
起兵以來諸將臣死事者多追封胡大海越國公趙德勝
梁國公張德勝蔡國公耿再成高陽郡公俞廷玉河間郡
公桑世傑永義侯花雲東丘郡侯又封張子明為忠節侯
。十月上念廖永安陷於張士誠守義不屈遙授光祿
大夫柱國江淮行省平章封楚國公。設起居注二員以
宋濂魏觀為之日侍左右記言動。張士誠遣其弟偽丞
相士信寇長興守將耿炳文費聚敗之獲其元帥宋興祖
士信憤怒益兵圍城湯和自常州來援與炳文等合兵殺

十年
孤城
血戰

諭將
保民

擊敗之士信走還自是士誠奪氣不敢復圖長興矣炳文
守長興凡十年孤城血戰卒保無虞。時常遇春等圍贛
州未下。上命中書右司郎中汪廣洋往叅謀遇春軍事
諭之曰汝至贛州城未下可與遇春等言熊天瑞困處孤
城猶籠禽阱獸豈能逃逸但恐破城之日殺傷過多要當
以保全生民為心一則可為國家用二則可為未附者勸
且如漢將鄧禹不妄誅殺得享高爵子孫昌盛此可為法
向者鄱陽湖之戰陳友諒既敗生降其兵至今為我用縱
有逃歸者亦我之民我前克湖廣禁軍士毋入城故能全
一郡之民苟得郡無民何益廣洋至贛見遇春傳上命

取衡州

取贛州諸郡

仁將之褒

時天瑞拒守益堅遇春乃浚濠立柵以圍之。十二月傳友德將兵克衡州元守將左丞鄧祖勝棄城走永州

乙巳

元至正二十五年
宋龍鳳十一年

正月熊天瑞被圍日久力不能支乃出降贛州平其所統南安南雄韶州諸郡皆下上褒諭常遇春等曰予聞仁者之師無敵非仁者之將不能也今將軍破敵不殺是天賜將軍以隆我國家千載相遇非偶然也捷書至予甚為將軍喜雖曹彬之下江南何以加之將軍能廣宣威德保全生靈予深有賴焉

謹按我太祖於遇春贛州之後前有汪廣洋之諭後

寶慶

有仁將之褒可謂誠心於保民矣保民而王莫之能禦
觀於 聖祖而後知斯言之不我欺

左相國徐達遣千戶胡海取寶慶略克之於是靖州軍民
安撫司及諸長官司皆來降。都督朱文正遣叅政何文
輝指揮薛顯討新淦鄧仲廉斬之擢薛顯為江西行省叅
政。二月偽吳將李伯昇復率衆二十萬寇諸全新城圍
之胡德濟督將士堅守遣使求援於李文忠文忠即率兵
由嚴陵馳赴援之未至新城十里曰龍潭據險立營德濟
遣人間道詣文忠曰衆寡不敵姑宜避之以俟大軍之至
文忠曰以衆論之則我非彼敵以謀論之則彼非我敵且

李文忠大敗張兵

八千之謝玄破八十萬之苻堅庸非衆乎若未戰而退則
彼勢益熾雖大軍至亦難為攻矣莫若與戰死中求生正
在今日何避之有遂下令曰彼衆而驕我少而銳以銳當
驕可一戰而禽禽彼之後輜重皆汝等有也明日交戰文
忠復仰天誓曰朝廷大事在此一舉豈敢愛生以後三
軍即橫槊據鞍引數十騎乘高馳下直出陣後衝其中堅
敵列騎迎戰文忠格殺數人所向皆靡因督衆乘之敵遂
大潰亂自相蹂躪德濟亦帥城中將士鼓譟而出呼聲動
天地莫不一當百斬首數萬級血流膏野溪水盡赤遣指
揮朱亮祖等追擊餘寇燼其營落俘偽同僉韓謙元帥周

料張
士誠
必敗

遇蕭山等六百餘人軍士三千馬八百委棄輜重鎧仗彌
亘山丘舉之數日不盡其偽五太子僅以身免張士誠自
此氣奪勢衰。時江西湖廣皆平乃謀取張士誠先是士
誠謀主惟弟士德及部將左丞史椿後士德被擒椿被讒
出守淮安椿見士誠不是做事業人遣使奉書欲來歸事
泄士誠殺之委政於弟士信士信惟務酒色用王敬夫葉
德新蔡彥夫三人謀國皆諂佞小人 上聞之曰我諸事
無不經心尚且被人瞞我張九四士誠行終歲不出門理
政事豈有不着人瞞者乎且士德史椿皆死惟恃弟士信
行事吾立見其敗矣時有市謠十七字曰丞相做事業專

親閱
試將
上

用王蔡葉一朝西風起乾別。時兩淮州縣多為張士誠
所據。上欲先取之乃親閱試將士命鎮撫居明率軍士
分隊習戰勝者賞銀十兩其傷而不退者亦勇敢士賞銀
有差且徧給酒饌勞之仍賜傷者醫藥因諭之曰刃不素
持必致血指舟不素操必致傾溺弓馬不素習而欲攻戰
未有不敗者吾故擇汝等練之今汝等勇健若此臨敵何
憂不克爵賞富貴惟有功者得之顧謂起居注詹同曰兵
不貴多而貴精多而不精徒累行陣近聞軍中募兵多有
冗濫者故特為戒之冀得精銳庶幾有用也。時福建諸
郡皆元平章陳友定所據數遣兵擾邊四月命處州總制

胡深
死應
天象

取襄
陽安
陸

蘇軍胡深率指揮朱亮祖耿天璧等討之五月胡深進兵克浦城遂與友定將賴元帥大戰于浦城之南敗之進克崇安建陽友定建寧守將阮德柔兵四萬屯錦江深率兵擊之破其寨柵友定大懼率銳卒併力來攻深突陣與決戰馬蹶被執為友定所殺先是日中有一黑子劉基奏曰東南當失一大將至是深果敗汝深有文武才守慶州五年威惠甚著一方賴之及死上痛惜之追封縉雲郡伯○常遇春帥兵復傳友德等取襄陽安陸時元同僉任亮擁衆柵守安陸兵復將先鋒自沔倍道徑擣安陸傳友德奮兵擊之身被九創亮兵大潰遂生擒之遇春表任亮壯

明史紀事本末

七

規取淮東

毅可用。上命釋之授指揮僉事。以鄧愈為湖廣行省平章鎮襄陽。湯和帥師擊江西劇盜姚大膽斬之取永新州戮偽左丞周安等仍命回守常州和守常州凡十年防禦周密寇來輒破走之與吳良守江陰耿炳文守長興氣勢聯絡屹為東藩保障。十月命徐達常遇春等率馬步舟師並進規取淮東首克海安進攻泰州張士誠恐失泰州乃遣舟師薄海安駐范蔡港以疑我師。上知其意諭徐達曰寇兵初駐范蔡港吾度其有詐今觀望猶豫不敢即泝上流其為詐益明然寇計不過欲分我勢非有決機乘戰之謀宜遣廖永忠還兵水寨禦之大軍勿輕動此

州取泰

寇徘徊江上自老之師乘其怠慢此月必克泰州泰州既克則此瓦解不戰自潰但宜謹備之閏十月克泰州十一月徐達等進攻高郵上恐深入敵境不能策應諸將乃命馮勝帥所部節制高郵諸軍而以徐達還軍泰州

元

元至正二十六年

○是年宋主韓林兒卒宋亡

正月偽吳舟師數百艘出馬駝沙汴大江侵鎮江江陰守將吳良吳禎嚴兵以待上親帥大軍水陸並進討之至鎮江寇已遁去追至巫子門寇乘潮逆拒首尾相失良等縱兵夾擊大破之獲士卒二千寇退上臨幸江陰見良等防禦有方謂曰汝非昔日之吳起乎稱歎久之良在江

陰十年軍民莫枕一境帖然 上有事江漢大軍屢出東
藩竟無擾皆良為之捍蔽也

二臣
善守
蔽吳

功臣本傳曰我 聖祖取天下躡蹠群雄而顛倒之所
可戒備者首偽漢次偽吳二國境壤相連使其謀通兵
結亦大費征討 聖祖妙識其幾欲剪漢之羽翼故遣
耿炳文守長興吳良守江陰以蔽吳二臣者不孤所託
謀足以制敵勇足以禦敵孤軍血戰於貔貅萬竈之強
者數年足使吳人一跡不敢西向 聖祖無東顧之虞
然後得以鑒偽漢而殲之是蔽吳者正所以滅漢也漢
既滅于焉併力何吳釜魚籠鳥何所假息故亦不旋踵